

大清會典

祭祀行禮圖



祭

祫


禘

禮


圖



圓丘上成位次



園丘二成以下位次



園丘上成。正中。

上帝幄。南嚮。制圓。

太祖高皇帝幄。東配西嚮。

太宗文皇帝幄。西配東嚮。

世祖章皇帝幄。東配西嚮。

聖祖仁皇帝幄。西配東嚮。

世宗憲皇帝幄。東配西嚮。

高宗純皇帝幄。西配東嚮。均制方。二成。

大明幄。東設西嚮。

夜明幄。西設東嚮。

北斗七星

五星

二十八宿

周天星辰共一幄。東設西嚮。

雲師

雨師

風伯

雷師共一幄。西設東嚮。均制方。

上帝幄內。座一。座前籩豆案一。幄左饌桌一。

列聖配位幄內。座各一。座前籩豆案各一。幄北饌桌東

西各三。上成正中少西祝案一。南嚮。東福胙桌一。西嚮。尊桌一。位尊一。正又尊桌一。位尊三。配接桌一。均西嚮。西尊桌一。位尊三。配接桌一。均東嚮。二成。

大明幄內。座一。懷桌一。籩豆案一。幄外南饌桌一。北尊桌一。尊接桌一。均西嚮。

夜明幄內外與大明同。均東嚮。

星辰幄內。座一。懷桌一。籩豆案一。幄外北饌桌一。南尊桌一。尊接桌一。均西嚮。

雲雨風雷幄內外與

星辰同。均東嚮。西接桌即為接福胙桌。四櫺星門並

泰元

昭亨

廣利門內。正中設香案各一。上成午階上。為讀祝時

及受福胙

皇帝拜位。北嚮。司拜牌一人。立拜位東。西面。司拜褥一人。立拜位西。東面。司香四人。司玉帛一人。司帛三人。司爵四人。立東案之東。西面。司香三人。司帛三人。司爵三人。讀祝官一人。立西案之西。

東面捧福酒福胙光祿寺卿二人立東司香之後。西面接福酒福胙侍衛二人立西司香之後。贊福胙官一人立西司爵之次。東面侍儀禮部尚書一人侍郎一人立東案之南。西面都察院左都御史一人副都御史一人樂部典樂一人立西案之南。東面二成階上正中幄次。為皇帝行禮拜位。北嚮。司拜牌司拜褥各一人。分立幄次東西。典儀一人立於東西面。三成階上為陪祀王貝勒拜位。階下為貝子公拜位。左翼東階。右翼西階。均北嚮。引王貝勒行禮鴻臚寺官

二人糾儀御史四人禮部祠祭司官四人。分立於王貝勒拜位左右。引貝子公行禮鴻臚寺官二人。分立於貝子公拜位左右。各東西面。庭中夾

神道東西。為分獻官拜位。導引東西各二人。記注官四人。立於三成西階之下。東面唱樂一人。立於東階之下。西面。

神道左右設樂懸。司樂協律郎樂工序序立於東西。樂懸之次。歌工立於樂工之次。樂舞生文武八佾分行序立。東在歌工之左。西上。西在歌工之


右。東上。外壝門外。為陪祀百官拜位。東西各五班。均北嚮。引禮鴻臚寺序班二人。糾儀御史四人。禮部祠祭司官四人。分立於百官拜位左右。各東西面。傳贊四人。二人循內壝牆立。二人循外壝牆立。內壝左門外。為皇帝望燎位。東嚮。掌燎官一人。率燎人立燎鑪之東南隅。冬至祀。

天孟夏

常雩位次同。若遣官恭代行禮。則第二成階上為讀祝時。承祭官拜位。第三成階上為行禮拜位。不飲。

福受胙。王公不陪祀。不設福胙桌。不用光祿寺侍衛贊胙司拜牌司拜褥及樂部大臣記注官。壇上監禮糾儀。用禮部司官二人。御史四人。三成階上下。不用鴻臚寺御史禮部官。其餘各位次同。


圓丘
正位陳設



上帝幄內。青羊角座。鐙四。二在座旁。二在籩豆案旁。籩豆案上。爵墊一。金鑲青羊角鐙二。登一。居中。實太羹。簋二。在左。實黍。實稷。簋二。在右。實稻。實粱。籩十有二。在簋之左。實形鹽。鯽魚。棗。栗。榛。菱。茨。鹿脯。白餅。黑餅。糗餌。粉飧。豆十有二。在籩之右。實韭。菹。醢。醢。菁。菹。鹿醢。芹。菹。兔醢。筍。菹。魚醢。脾析。豚拍。鮑。食。糝。食。軟。絲。金。鐙。二。幄門外。左右。鑪。几。設。銅。鑪。二。幄前。俎。一。實。犢。又前。石。五。供。設。銅。龍。香。鑪。一。銅。龍。燭。臺。二。銅。龍。花。瓶。二。上。插。貼。金。木。靈。芝。各。一。又前。鑪。几。設。金。鑪。一。金。香。靠。具。鐙。

几。設。青。羊。角。觥。鐙。二。其。玉。帛。篚。先。設。東。接。桌。上。奠。玉。帛。則。奠。於。籩。豆。案。正。中。匏。爵。三。先。設。尊。桌。上。三。獻。皆。奠。於。爵。墊。初獻奠正中。亞獻奠左。終獻奠右。凡三獻奠爵皆如之。

圓丘
配位陳設




列聖配位。幄內。青羊角座。鐙四。二在前。二在後。籩豆案上。爵墊一。登一。簋二。籩二。籩十有二。豆十有二。其實與。

上帝位前同。軟絲金鐙二。幄前俎一。實犢。又前鑪几。設金鑪一。金香靠具。鐙几。設青羊角。魴鐙二。

六配位皆同。其帛篚。東三篚。先設東接桌上。西三篚。先設西接桌上。奠帛。各奠於籩豆案正中。匏爵。先設東西尊桌上。東九爵。西九爵。三獻。各奠於爵墊。

圓丘

從位陳設




大明

夜明幄內。青羊角座。鐙各四。懷桌上。均設琖二十。爵
墊一。籩豆案上。登一。左右燭臺二。簋二。簋二。籩
十。實形鹽。鯽魚棗。栗。榛。菱。芡。鹿脯。白餅。黑餅。豆
十。實韭菹。醢醢。菁菹。鹿醢。芹菹。兔醢。荀菹。魚醢。
脾析。豚拍。幄前俎各一。實牛。又前鑪几。設銅鑪
一。銅香靠具。鐙几。設青羊角。魴。鐙二。其帛篚。先
設接桌上。奠帛。各奠於籩豆案正中。陶爵各三。
亦先設尊桌上。三獻各奠於爵墊。

圓丘

從位陳設



星辰幄

雲雨風雷幄內。懷桌上。均設琖三十。爵墊一。籩豆案上。各增劔二於登左右。實和羹。幄前俎一。中區為三。實牛一。羊一。豕一。餘與

大明

夜明位陳設同。



